



NOS FUTBOL DI ANTANJO...awe cu nos ta dilanti di compromisonan cu nos pais tin como un asociacion nobo di FIFA hopi ta e contribucion y cooperacion nan cu tin cu ser duna pa recupera terrenonan cu a bai perdi den nos futbol. E deporte cu semper nos a yama e deporte rey. Lamentablemente cu e parti mas importante den esaki, cual ta e disciplina; e amor patrio; e preparacion profesional; y e sosten verdadero pa cu su facilidadnan ta brillando pa nan ausencia. Tur parti di mundo pa povercu un poder ta den su situacion financiero, semper tabata vista y cla cu e gobiernonan a duna esaki tur e sosten necesario, ya cu un pueblo sin deporte ta manera un pueblo sin aporte den vista mundial. Mayan cuanto nos lo no a desea cu e hulandesnan lo a topa cu e talla di e futbolistanan den e tempo di antanjo di nos futbol. For di tempo cu e domine Eyberts a lanta e prome team di futbol na Aruba, cual e grafico aki ta ilustra. For di tempo cu e futbol tabata ser practica na e schoolnan (catolico) cu bala di spons y cu cadushi rond di e terreno, esaki semper tabata es un mas liga na nos atletanan. Den e Aruba Antanjo a keda e recuerdo di e veld di Nani cual awe ta e parkeer plaats dilanti di nos postkantoor. Otro cual tabata e escenario ta esun caminda nos tin awendia un park y e edificio di parket. Un diversion di tur diadomingo atardi gozando di e futbol di cual te ainda nos tin na bida e keeper mas bieu cual ta Sr. Doti Arends, un tempo e hefe di postkantoor. Di e clubnan di antes manera Vitesses cual e tabata keeper, a nace otronan manera ABC cu despues a bira RCA cu ya tin su mei siglo di aniversario. Y cuanto mas cu na e momento aki ta scapa mi memoria. Y despues nos Wilhelmina Sportpark, caminda e clasico mas bien tabata e Copa di Anja di La Reina. Un entrenador profesional pa un tempo largo nunca nos a yega di conoce, aunke ta di menciona entrenador local cu a presta y duna tur loke nan tabata por a duna pa crea e glorianan di nos futbol cu te cu e dia di awe ta ser recorda cu gran orgullo. Cuanto di e weganan internacional tanto den nos patio como den exterior semper e futbolistanan di antanjo tabata duna tur loke nan tin pa cu e deporte y pa cu su dushi isla di Aruba. Disciplina y amor pa cu e deporte di antanjo ta brillando un tanto ainda den un gran numero di nos futbolistanan. Tuma por ehemplo ora cu un hungador ser selecta pa un seleccion, ki orgullo mas grandi p'e hasta si e tin di keda sinta ariba banki. Por ta cu e interes pa cu esaki por a desvanecer dor di tanto otro entretenimiento cu a bini of dor di e poco atencion tanto pa parti di e clubnan mes y e directivanan. Hopi awendia ta papia di tin deporte na pecho, pero hopi tambe di un forma negativo talvez sin ta mira e danjo ta kere cu nan ta haciendo bon na e deporte. Mas cu diez anja pasa un diputado di deporte a muestra cu tin di yega na un comprension di tur banda, tanto di gobierno, ASU, AVB, y nan miembronan pa cu e manera pa progresa den esaki. Y un di su puntonan mas clave tabata tocante e situacion malo di e facilidadnan di deporte. Diferente partido a yega na forma gobierno y te awe ainda no tin nada di gran elogio ni orgullo pa loke a bini adilanti pa cu e palabranan di e diputado di deporte. Lo nos por yega un dia na haya tur loke ta necesario pa cu e facilidadnan, pero cu un tiki di bon voluntad y esfuerso y comprension pa cu e deporte esaki ta posible. Ya cu nos tin speranza di haya iluminacion pa stadion un biaha mas, ta di spera tambe e mantencion lo ta mucho mas mihor di loke e ta awendia.

Mayornan na Aruba ta preocupa

No tin lugar pa tuma mucha mas na Kleuterschool

Hopi mucha ta riba lista di espera

ORANJESTAD(AAN) -- Despues di a publica e opinion publico "Kleuterschoolnan no por tuma mas mucha, DIARIO a ricibi diferente yamada di mayornan kendenan no solamente a confirma esaki sino a expresa nan preocupacion pa cu e situacion aki.

A ser muestra na DIARIO cu no ta solamente pabao sino tambe pariba di brug tambe muchanan ta riba lista di espera.

Mayornan preocupa a muestra cu nan mester sigui paga dineral na "creche" ya cu nan yiu no por bishita un kleuterschool.

E cantidad di muchanan di habla Spaño cu ta bishitando e schoolnan ta pone cu tur e klas-

nan tanto na kleuterschool como schoolnan basico ta completamente yen.

Mayornan preocupa cu e situacion a muestra cu nan ta inscribi nan yiu na SKOA, cu mester percura pa nan yiu haya un school pero esaki no ta e caso. E mayornan ta worde informa cu nan yiu ta riba e lista di espera.

Sin duda esaki ta un problema cu mester haya e debido atencion di Gobierno. Debi na e hecho cu tin un cantidad di mucha di habla Spaño ta bishitando e schoolnan, e lesnan no por worde duna manera e maestronan ta desea, ya cu mester tene cuenta cu esnan di habla Spaño no ta capta esaki cu e mesun facilidad cu esnan local.

Ta di spera cu Gobierno lo busca un solucion pa e problema aki cu ta sigui crece.



Futbol Internacional diadomingo atardi pa 4'or den Wilhelmina Stadion, unda un biaha mas e seleccion amateur di Hulanda cu esun di Aruba lo tin di enfrente otro. Y cu e grafico di nan ultimo partido teni aki na Aruba nos kier ilustra cu tur cos ta indica cu e interes ta mes grandi of talvez mas grandi cu esun anterior. Diadomingo atardi cu un respaldo grandi di "het meest getapt cu ta e cervex Heineken" un tremendo programa a ser poni den otro pa diadomingo atardi. Lo tin mas di un bar, diferente doorprizes di bon balor; transmision tanto via AM como FM di Radio Kelkboom, unda Janchi Tromp un biaha mas lo resona e tempo di wega y e golazo di e choke futbolistico pa es atardi. E grafico cu ta acompaña e informacion aki ta uno di e wega di biaha pasa caminda nos ta mira JuJu Rasmijn, den accion; e peligro so Vanegas dilanti gol; e incansable Manjares y e resto di e seleccion cu pa basta tempo a muestra interes pa nan preparacion bao di Feliz Geerman y Angela hunto cu Oslin Toppenberg. E seleccion hulandes (amateur) a yega ayera tardi pa 5'or na nos aeropuerto. Y mescos cu e asistencia masal di biaha pasa e biaha tin tur indicacion cu tal lo ta e caso atrobe, ya cu parece cu Henter Savaneta kamp lo baha; y unda cu lo tin diferente doorprizes obsequio di diferente casnan comercial cu a contribui cu esaki. Den e premionan nos lo tin Bateria di Cas di Bateria Tablanan di Biljechi di Lands Lotterij, Cassette y carrier di Galeria Moderna, Flashlight di tres funcion di Genral Store; Shirts deportivo di La Moderna y loque falta pa bini ainda prome cu Diadomingo. Tur esaki ta bai como doorprizes, pa cual bo tin di warda bo contrasena cu tin bo number riba dje. Carcinan ta naventa delanta y bo por haya esaki tanto na Galeria Moderna como na Joey's Drive In y Rowigini's. Si bo ta bini bini cu e radio pero no bai cu e bala. Pronto Wilhelmina Stadion lo tin un biaha mas su iluminacion y tambe pronto e lo tin su yerba ya cu esaki a cuminsa yena e terreno caba

NUMBER
DI FAX
28551
DIARIO

DIADOMINGO 13
4'OR WILHELMINA
STADION

HULANDA
ARUBA

CARCHI OBTENIBLE
NA

ROWIGINI'S
GALERIA MODERNA
JOEY'S DRIVE IN

LO TIN VARIOS
PREMIOS COMO

doorprizes

Y HET MEEST GETAPT

HEINEKEN bier!

BUSCA BO CARCHI
NA TEMPO!

PUBLICIDAD
AAA